

醫方類聚卷之六十一

傷寒門 三十五

拔粹方 二

三焦熱用藥大例 方在元戎

上焦

清神散 連翹防風湯 凉膈散

飲子 犀角地黃湯

中焦

小承氣湯 調胃承氣湯 洗心散 四



順清涼飲 桃仁承氣湯

下焦

大承氣湯 五苓散 立效散 八正散

石韋散 四物湯 抵當湯丸

清涼飲 三黃丸

柴胡飲 子 通治

氣分熱。于 血分熱。 大熱。

白虎湯 桃仁承

氣湯 黃連解毒湯

三焦寒用藥大例 方在衛生

桂附丸 一 二氣丹 還少丹

上焦。鐵刷湯中焦。附子理下焦。八味丸

胡椒理中丸 天真丹

中丸 大建中湯

桂枝湯 血分 一 巴戟丸 通治 大已寒

氣分 寒 附子湯 寒 神珠丹 大寒 丸

芍藥人 桂枝加寒 四逆湯

〔參新加湯〕

右此內有寒熱之大略也若外有寒熱者當求別法

發癩諸藥

葛根橘皮湯癩在肌 治冬溫始發肌中癩爛欬而心悶但嘔清汁宜此

葛根 橘皮 杏仁 知母 黃芩 麻

黃 甘草

右等分剉每用五錢水煎

陽毒升麻湯癩在面 治傷寒一二日或吐

下後變成陽毒腰背痛煩悶不安而赤狂言見鬼下痢脉浮大數咽喉痛下膿血五日可治七日難愈

升麻 犀角 射干 黃芩 人參 甘

草 各錢半

右咬咀水三升煎取半飲一盞刻許再服溫覆手足汗出解否則重作

陽毒玄參升麻湯癩在身 治汗下吐後毒

不散表虛裏實熱發於外甚則煩燥譫語兼  
治喉痺腫痛

玄參 升麻 甘草各等分

右細剉水煎

陽毒梔子湯少陽陽明合病 治陽毒傷寒

壯熱百節疼痛

升麻 梔子仁 黃芩 芍藥 石膏

知母 甘草 杏仁 柴胡

右籠末五錢生姜五片豉百粒水煎

消毒犀飲子治癰

牛蒡子六 荆芥參 防風參 甘草一 水煎服

陰毒升麻鼈甲湯陰癰 大建中湯尤妙

升麻參 當歸兩 甘草各二兩 蜀椒一兩 鼈甲兩

炙雄黃半兩 研

右為末每服五錢水煎

蒸病 治者宜隨各經虛實內外淺深用藥  
加減可也

古今錄驗五蒸湯

甘草一兩 茯苓二兩 人參二兩 竹葉把二 乾地黄

葛根各叁兩 知母 黃芩各二兩 石膏碎五兩 粳

米二合

右十味咬咀以水九升煮取二升半分為三服亦可以先煮小麥水乃煮藥 忌海

藻菘菜蕪荑大醋

實熱 黃芩 黃連 黃蘗 大黃

虛熱

氣也 烏梅 秦艽 柴胡

血也 青蒿 鼈甲 蛤蚧 小麥 牡

丹皮

肺乾 烏梅 天門冬 麥門冬 紫苑

皮唾舌白 石膏 桑白皮

膚昏睡 牡丹皮

氣遍身氣熱 人參 黃芩 梔子

大腸乾鼻右孔 大黃 芒硝

脉唾白浪語 生地黃 當歸

心 乾舌 黃連 生地黃

血髮地黄 當歸 桂心 童子小便

小腸下唇 赤茯苓 木通 生地黃

脾唇芍藥 木苳 苦參

肉食無味而嘔芍藥

胃舌下石膏 粳米 大黃 芒硝 葛

根

肝眼川芎 當歸 前胡

筋甲川芎 當歸

膽眼白柴胡 括藁

三焦乍熱乍寒石膏 竹葉

腎兩耳生地黃 石膏 知母 寒水石

腦頭眩地黃 防風 羌活

髓中熱天門冬 當歸 地黃

骨齒黑腰痛足鱉甲 地骨皮 牡丹皮

當歸 生地黃

肉支細跌腫石膏 黃蘗

胞小便赤澤瀉 茯苓 生地黃 沉香

滑石

膀胱左耳 澤瀉 茯苓 滑石

凡此諸蒸皆熱病後食肉油膩房酒犯之而成久蒸不除變成疔病即死矣

葛根散治陽毒身熱如火頭痛躁渴咽喉乾痛

葛根剉七錢半 黃芩 大黃醋炒 甘草 山梔子

仁 朴硝各半兩

右為末水煎

元戎拾遺

活人敗毒散太陽證 治傷風溫疫風溫風

眩風痰卑溫

羌活 獨活 前胡 柴胡 枳殼 人

參 茯苓 桔梗 甘草 川芎分兩隨病加減

右細末生姜水煎或沸湯點亦可大人小兒皆宜瘴煙之地溫疫時行或人多風痰或處卑濕脚氣此藥不可闕一方少加薄

苛同煎

三陽頭痛

羌活 防風 荆芥 升麻 葛根 白  
芷 柴胡 川芎 芍藥 細辛 葱白  
連鬚 分兩旋加  
若陰證頭痛只用溫中藥足矣乃理中姜  
附之類也

發黃兼諸雜證 治法在前難知內附  
陰黃治法在後陰證略

附例內

小便不利煩躁而渴 加茯苓猪苓滑  
石常歸官桂

煩躁喘嘔不渴 加陳皮白朮半夏生

姜茯苓

四肢遍身冷者 加附子 甘草

茵陳蒿湯加減

肢體逆冷腰上自汗 加附子 乾姜  
甘草

身冷汗不止者 加附子 乾姜

前藥未已脈尚伏 加吳茱萸附子乾

姜木通當歸



韓氏立名爲茵陳茯苓湯 茵陳橘皮湯 小茵陳湯 茵陳四逆湯 茵陳附子湯 茵陳茱萸湯 大抵只是仲景陰證藥內加茵陳也用者要當識之

陰證略例

潔古內傷三陰例

人之生也田五穀之精氣所化五味之備故能生形若傷於味亦能損形飲食過節腸胃

不勝氣不及化故傷焉如氣口壹盛脉得六至則傷于厥陰乃傷之輕者檳榔丸主之氣口二盛脉得七至則傷于少陰乃傷之重者煮黃丸主之氣口三盛脉得八九至則傷于太陰乃傷之尤重者故填塞悶亂心胃大痛兀兀欲吐得吐則已上部有脉下部無脉宜吐之以瓜蒂散其高者因而越之下者引而竭之如傷之太甚仲景三物備急丸下之檳榔丸治飲食過多心腹彭悶

檳榔

二錢半

木香

二錢半

枳實

半兩炒

牽牛

頭末半兩

陳皮

去白半兩

右為細末醋糊為丸桐子大每服二十九

生薑湯下

煮黃丸治前證甚則兩脇虛脹

雄黃

一兩研

巴豆

半兩去皮心膜研如泥入雄黃研勻

右二味入白麵二兩同和研勻滴水丸桐

子大滾漿水煮十二丸熟漉入冷漿內令

沉每一時用浸藥冷漿下一九日盡十二

丸也如利不必盡劑否則再服又治脇下

疝癖痛如神

瓜蒂散治大實大滿氣上衝上部有脉下部

無脉填塞悶亂宜吐之

瓜蒂

叁錢半

赤小豆

二錢半

右為細末溫水少許調一錢匕以吐為度

如傷之太重備急丸下之此急劑也

備急丸

乾薑

生一兩

大黃

生一兩

巴豆

半兩去皮心膜研如泥攤上新

瓦上  
油取霜

右為細末煉蜜為丸桐子大溫水下二三  
丸以利為度漸加

化 金露丸治時疾內傷心下痞氣不降米穀不

大黃二兩枳實半兩桔梗二兩牽牛頭末二錢半

右為細末薑糊為丸餗餅亦得如桐子大  
溫水下二三十丸

枳朮丸治老弱虛弱食不消藏府爽 仲景

本湯易老改丸

枳實七錢半白朮一兩

右為細末荷葉裹燒飯為丸或薑浸餗餅  
丸亦得如桐子大每服二三十丸米飲送  
下食後服

海藏內傷三陰例

潔古既有三陰可下之法亦必有三陰可補  
之法也予故舉此內傷三陰可溫之劑若飲  
冷內傷雖先損胃未知色脉各在何經若而

青黑脉浮沉不一弦而弱者係在厥陰若面紅赤脉浮沉不一細而微者傷在少陰若面黃潔脉浮沉不一緩而遲者傷在太陰也傷在厥陰肝之經當歸四逆湯主之

當歸 桂 芍藥 細辛 各一兩 通草 廿

草 各六錢七分

右剉如麻豆大每服秤三錢水壹盞半棗二枚煎至七分去滓溫服如其人病有久寒者宜當歸四逆內加吳茱萸生薑湯主

之

當歸四逆加吳茱萸生薑湯

當歸 一 桂 芍藥 細辛 各一兩 大棗 八廿

草 通草 各六錢七分 吳茱萸 十個 溫洗用生

薄 二兩半

右剉如麻豆大每服秤三錢水壹盞半煎至八分去滓溫服日三仲景法一劑分五服清酒煮

吳茱萸湯

吳茱萸 乙兩半湯洗二次 人參 七錢半 生薑 一兩六

棗 叁枚

右判以水二大盞半煮至七分去滓分二服若急者陰毒甘草湯白朮散附子散正陽散肉桂散迴陽丹返陰丹至厥陰盛隔陽霹靂散火焰散隨經部分選用之

傷在少陰腎之經也通脉四逆湯主之

炙甘草 二兩 附子 乙兩生用 乾薑 二兩炮

右判每服秤三錢水壹盞半煮至七分去

滓溫服未差若急更作一劑其脉續續行力者愈 如面赤者加連鬚葱白九寸同煎 如腹中痛者去葱白加芍藥二兩 如咽痛者去芍藥加桔梗壹兩 如脉不出去梗桔加人參二兩 四逆湯上三味是也

傷在太陰脾之經也理中丸主之

人參 乙兩腹痛倍之 甘草 炙 白朮 各乙兩 乾姜 各乙兩

右為細末煉蜜為丸如雞子黃大以湯數

合和丸研碎溫服日三夜二腹中和熱益  
至三四丸煎熱粥飲投之微溫覆勿揭衣  
丸不及湯大便結者宜丸大便軟者宜湯  
理中湯

人參二兩 乾姜炮 甘草炙 白朮各參兩  
右剉每服秤三錢水壹盞半煮至七分去  
滓溫服日三 如腹痛者加人參一兩  
如寒者加乾姜壹兩半 如渴欲飲水者  
加白朮一兩半 臍如上築者腎氣動也

去朮加桂四兩 如吐者去朮加生姜三  
兩 如下多者還用朮 如悸者加茯苓  
二兩 如四肢拘急腹痛者或痛滿下利  
轉筋者去朮加附子一枚生用仲景人參  
桂枝湯理中湯加桂治太陽未除下之成  
脇熱痢心下痞 如寒證不能食者理中  
建中各半湯爲二中湯以治之 表裏不  
解者理中湯加青皮陳皮名治中湯治胃  
膈病

吳茱萸湯證 食谷欲嘔屬陽明吳茱萸湯  
主之 少陰吐利手足厥逆煩燥欲死者  
吳茱萸湯主之 厥陰乾嘔吐涎沫頭痛  
極甚吳茱萸湯主之

四逆湯證 自利不渴者屬太陰以其藏寒  
故也宜四逆輩主之 太陰手足自溫脉  
浮者桂枝湯脉浮而遲表熱裏寒下利清  
谷者宜四逆湯主之 屬少陰飲食入口  
則吐心中溫溫欲吐復不能吐始得之手

足寒脉弦遲者此胷中實不可下也當吐  
之若膈上有寒飲乾嘔者不可吐也當溫  
之宜四逆湯主之 少陰病脉沉者急溫  
之宜四逆湯主之 大汗出熱不去內拘  
急四肢疼又下利厥逆而惡寒者四逆湯  
主之 下利腹脹滿身疼痛者先溫裏乃  
攻表溫裏宜四逆湯 屬厥陰嘔而脉弱  
小便復利身有微熱見厥者難治宜四逆  
湯 吐利汗出發熱惡寒四肢拘急手足

類聚卷之十一  
十五

厥冷四逆湯主之 吐利小便復利而大  
汗出下利清穀內寒外熱脉微欲絕者四  
逆湯 病發熱頭痛身體不疼痛當救裏  
宜四逆湯主之

通脉四逆湯證 少陰病下利清穀裏寒外  
熱手足厥逆脉微欲絕身反惡寒其人面  
色赤或腹痛或乾嘔或咽痛或利止脉不  
出通脉四逆湯 屬厥陰下利清穀裏寒  
外熱汗出而厥者通脉四逆湯主之

當歸四逆湯證 手足厥寒脉細欲絕者當  
歸四逆湯主之

白通湯并加猪膽汁湯證 少陰病下利脉  
微者白通湯主之 少陰病下利脉微與  
白通湯利不止厥逆無脉乾嘔煩者白通  
加猪膽汁湯主之服湯脉出者死續續者  
生

真武湯證 太陽病發汗出不解其人仍發  
熱心下悸眩身瞤動振振欲擗地者真武



湯主之 少陰病二三日不已至四五日  
腹痛小便不利四肢沉重疼痛自下利者  
爲有水氣其人或小便利或下利或嘔者  
真武湯主之

小建中湯證 傷寒陽脈濇陰脈弦法當腹  
中急痛先與小建中湯服之 傷寒八九  
日風濕相搏身體疼煩不能自轉側不嘔  
不渴脈浮虛而濇者桂枝附子湯主之  
傷寒二三日心中悸而煩者小建中湯主

之

附子湯證 少陰病得之三日口中和其背  
惡寒者當灸附子湯主之 少陰病身體  
痛手足寒骨節痛脈沉者附子湯主之  
傷寒八九日若其人大便堅小便自利未  
附湯主之

薑附湯證 若下之後復發汗晝日煩燥不  
能眠夜而安靜不嘔不渴無表證脈沉微  
身無大熱者薑附湯主之 自汗者未附

湯無汗者薑附湯

茯苓四逆湯證 發汗若下病仍不解煩燥者茯苓四逆湯上之

理中丸證 霍亂頭痛發熱多欲飲水者五苓散寒多不用水者理中丸主之 大病差後喜睡久不了胃中有寒當以丸藥溫之宜用理中丸

理中湯證 胃痺心下痞留氣結胃滿脇下逆氣搶心理中湯主之 脾胃不和中寒

上衝胃脇逆滿心腹疝痛痰逆惡心或時嘔吐心下虛痞隔塞不通飲食減少短氣羸瘦溫中逐水止汗去濕宜理中湯治之 腸胃冷濕泄瀉注下水穀不分腹中雷鳴及傷寒時氣及真寒外熱霍亂吐利手足厥冷胃痺心痛逆氣並宜理中湯主之 若有寒者加附子 若胃痺脇下妨悶者加枳實半兩茯苓半兩 少陰病始得之反發熱脈沉者麻黃附子細

辛湯微汗之 若惡寒而倦時時自煩不  
欲厚衣者宜大柴胡湯下之 若得二三  
日常見少陰無陽證者亦須微發汗宜麻  
黃附子甘草湯 若少陰證面赤者宜四  
逆加葱白主之

陰盛隔陽傷寒其人必燥熱不欲飲水者宜  
霹靂散 孫兆口訣 附子一枚燒灰存性為末蜜  
水調下為一服而愈此逼寒氣然後熱氣  
上行而汗出乃愈

陰毒甘草湯治傷寒時氣初得病一二日便  
結成陰毒或服藥後六七日上至十日變成  
陰毒身重背弦腹中絞痛咽喉不利毒氣攻  
心心下堅強氣短不得息嘔逆唇青面黑四  
肢厥冷其脉沉細陰毒三候身如被杖咽喉  
痛五六日可治至七日不可治也

甘草炙 升麻 當歸各五錢 雄黃二錢 蜀椒  
二錢半 鱉甲一兩半 桂枝五錢  
去目 右咬咀每服五錢水壹盞半煎至八分去

類聚六十一

九

滓服如人行五里進一服溫覆汗毒從汗出愈未愈再服

冷 附子散治陰毒傷寒唇青面黑身背強四肢

附子 七錢半炮裂去皮臍 桂心 半兩 當歸 半兩炒 半夏 二錢

半姜製 乾薑 二錢半炮 白朮 半兩

右為細末每服二三錢水一中盞生薑半錢煎至六分去滓不計時候熱服衣覆取汗如人行十里未汗再服

正陽散治陰毒傷寒面青張口氣出心下硬身不熱只額上有汗煩渴不舌黑多睡四肢俱冷

附子 一枚去皮臍炮 皂角 一定酥炙去皮 乾薑 二錢半 甘草

二錢 麝香 一錢半另研

右為細末每服一錢水壹中盞煎至五分不計時和滓熱服

霹靂散治陰隔陽煩燥不飲水

附子一枚炮熟取出用冷灰焙細研入真

類聚六十一  
類聚六十二  
類聚六十三  
類聚六十四  
類聚六十五  
類聚六十六  
類聚六十七  
類聚六十八  
類聚六十九  
類聚七十

九  
十一  
十二  
十三  
十四  
十五  
十六  
十七  
十八  
十九  
二十

臈茶二大錢和勻

右爲細末分作二服水一盞煎至六分臨

熟入蜜半匙於溫或冷服之須臾躁止得

睡汗出卽差

火焰散治傷寒惡候

舶上硫黃

附子

去皮生用

新蝎茶

各一兩

右爲細末先將好酒一升調藥分大心椀

口中於火上攤蕩令乾合於瓦上每一椀

下燒熟艾一拳大以瓦搯起無令火著直

至煙盡冷卽刮取却細研入磁合盛每服

二錢酒一盞共煎七分有火焰起勿訝傷

寒陰毒者四肢冷脉沉細或吐或瀉五心

煩燥胃中結硬或轉作伏陽在內湯水不

下先喫壹服如此却更進壹服服後心中

熱其病已差下至藏府中表未解者渾身

壯熱脉氣洪大宜用發表藥或表解者更

不發熱便得眠睡渾身有汗若少有痞結

脉實方可下膈行藏府藏漸用調和脾胃

補治元氣之藥也

仲景傷寒脉浮自汗出小便數心煩微寒脚  
 攣急與桂枝湯攻表悞也得之便厥咽中  
 乾躁煩吐逆作甘草乾薑湯與之以復其  
 陽 若厥愈足溫者更作芍藥甘草湯與  
 之其脚即伸 若胃氣不和譫語者少與  
 調胃承氣湯宜消息用之  
 肉桂散治傷寒服冷藥過度心腹脹滿四肢  
 逆冷昏沉不識人變為陰毒惡證

肉桂參錢 赤芍藥 陳皮 前胡 當歸各一

兩附子炮一兩 白朮參錢 木香參錢 厚朴參錢 良

薑參錢 人參打 吳茱萸半兩 洗炒

右為麤末每服五錢水一中盞棗三枚煎  
 至六分去滓不拘時候稍熱服

天雄散治陰毒傷寒身重背強腹中疝痛咽  
 喉不利毒氣攻心心下堅強短氣嘔逆唇青  
 面黑四肢厥逆其脉沉細而疾

天雄一兩炮 麻黃半兩 當歸 白朮 半

夏各半川椒一錢去目炒肉桂兩一厚朴製一兩生

薑二錢陳皮一錢

右為麤末每服五錢水一盞入生薑半錢

棗三枚煎至五分去滓無時稍熱服如人

行十里未汗再服

白朮散治陰毒傷寒心間煩躁四肢逆冷

川烏頭一兩炮去皮臍桔梗一兩附子炮一兩白朮一兩

細辛一兩去蘆乾薑半兩炮

右為細末每服一錢水一中盞煎至六分

稍熱和滓服無時

始得陰毒候

陰毒本因腎氣虛寒因慾事或食生冷物而

後傍風內既伏陰外又或先感外寒而後

伏陰內外皆陰則陽氣不守遂發重眼睛

疼身體倦怠而其熱四肢厥逆冷額上及

手背冷汗不止或多煩渴精神恍惚如有

所失三二日間或可起行不甚覺重診之

則六脈沉細而疾尺部短小寸口或無若

服涼藥則渴轉甚燥轉急有此證者急服  
還陽退陰之藥卽安惟補虛和氣而已宜  
服正元散退陰散五勝散陰證不宜發汗  
如氣正脉大身熱而未差用藥發汗無妨  
或寸口小而尺脉微大亦同積陰感於下  
則微陽消於上故其候沉重四肢逆冷腹  
痛轉甚或喉不利或心下脹滿結硬躁渴  
虛汗不止或時狂言爪甲面色青黑六脉  
沉細而一息七至以來有此證者速宜於

氣海關元二穴灸三二百壯以手足和暖  
爲效仍服金液丹來復丹玉女散還陽散  
退陰散之類隨證用之沉困之候六脉附  
骨取之方有按之卽無一息入至以上或  
不可數至此則藥餌難爲功矣但於臍中  
灼艾半棗大三二百壯以來手足不和暖  
則以硫黃及熱藥助之若陰氣散陽氣來  
漸減熱藥而和治之

正元散治傷寒始覺吹凍著四肢頭目百節



五勝散治傷寒頭痛壯熱骨節疼痛昏沉困倦欬嗽鼻塞不思飲食兼治傷寒夾冷氣慢陰毒

甘草

五味子

石膏

各乙兩

乾薑

參兩半

白

朮

乙兩半

右爲細末每服二錢入塩少許煎至七分通口服如冷相夾入姜棗煎若治陰毒入艾葉少許同煎脉浮而緊者陽證也沉而緊者陰證也

韓祗和溫中例

夫傷寒之說始自黃帝以開其端至仲景方陳其條目後世膚淺之學莫知其數立言者只言病在表可發汗病在裏可下或云不可汗不可下卽未嘗有溫中說仲景傷寒例尺寸俱沉細太陰受病也尺寸俱沉少陰受病也尺寸俱微緩厥陰受病也辨太陰證云太陰證脉浮可發汗宜桂枝湯又手足溫自利不渴宜四逆湯又腹滿時

痛桂枝加芍藥湯

辨少陰證云少陰病始得之發熱脈沉麻黃  
附子細辛湯又陰病二三日麻黃附子甘  
草湯又少陰病脈沉急溫之宜四逆湯又  
少陰病身體疼痛手足寒骨節痛脈沉附  
子湯

辨厥陰證云厥陰病吐利手足逆冷煩躁欲  
死吳茱萸湯

今舉仲景論中數條最是三陰病之良法今

世之用尚有未盡證者愚嘗校自至和初  
歲迄於今三十餘年不以歲之太過不及  
爲則每至夏至已前有病傷寒人十中七  
八兩手脈俱沉細數多是胃膈滿悶或嘔  
逆或氣塞或腹鳴或腹痛與仲景三陰病  
說理同而證不同因茲不敢妄投仲景三  
陰藥才見脈沉及胃膈滿便投下藥下之  
往往不救常斟酌仲景理中丸與服之其  
病勢輕者卽育中便快其病勢重者半日

許滿依然或有病人脉沉細遲投仲景四逆湯溫之多藥力大熱後必發煩躁因校量此形證今別立方以治之得多對證藥不可不傳焉

病人但兩手脉沉細數或有力或無力或關脉短及力小胃膈塞悶氣短不能相接者便可隨脉證投溫中藥以治之

病人兩手脉沉遲或緊皆是胃中寒也若寸脉短及力小於關尺者此陰盛陽虛也或

胃膈滿悶腹中脹滿身體拘急手足逆冷急宜溫之

若立春以後至清明以前宜溫中湯主之清明以後芒種以前宜橘皮湯主之芒種以後至立秋以前宜七物理中凡主之

溫中湯

丁皮乙兩 乾姜二錢 白朮 陳皮 丁香各

錢厚朴乙兩

右爲細末每服二錢水一盞葱白三寸煎

芥五穗煎至七分去滓熱服未快手足尚逆嘔吐加舶上丁皮二錢乾姜二錢

橘皮湯

陳皮<sub>乙</sub>兩 霍香<sub>錢</sub> 白朮 葛根<sub>各二錢</sub> 厚朴<sub>乙</sub> 製

右為末每服二錢水一盞生姜一塊如棗大搥破同煎至七分去滓熱服如三服未快手足尚逆嘔吐不定加半夏半兩丁香桂枝半兩每服加葱白三寸煎服

七物理中丸

白朮<sub>九錢</sub> 乾生薑<sub>二錢</sub> 人參<sub>七錢</sub> 桔梗<sub>七錢</sub> 葛根<sub>半錢</sub> 藿香葉<sub>五錢</sub>

右為細末煉蜜為丸如彈子大每服一丸水壹盞煎至七分和滓熱服如三服未快手足尚逆嘔者加半夏半兩乾姜半兩病人手脉沉細無力雖三部脉力停亦是陰氣盛也更不須候寸脉短治之或胃脇滿悶身體拘急疼痛手足逆冷速宜溫中藥

和之

若立春已後至清明已前宜厚朴丸主之  
清明已後至芒種已前宜白朮湯主之  
芒種已後至立秋已前宜橘皮湯主之

厚朴丸

當歸

半兩

丁皮

枝杖半兩

厚朴

乙兩製

細辛

二錢

人

參

七錢半

甘草

半兩炙

乾姜

半兩炮

右為末煉蜜為丸彈子大每服一丸水一盞煎至六分和滓熱服三服後脉尚細及

白朮湯

寸脉尚細無力每服加葱白三寸同煎服

白朮

半夏

當歸

厚朴

製

乾姜

炮已上各

半兩丁香七錢

右為細末每服三錢水乙盞生薑棗許大搥破同煎至七分去滓熱服三五服脉未有力寸脉尚小加細辛半兩每服加葱白三寸同煎服之

橘皮湯

類聚

三十九

橘皮兩半 藿香兩 葛根各錢 半夏各 厚朴製各

右為末每服三錢水壹盞生薑如棗大同煎至七分去滓熱服三五服脈尚小手足逆冷加細辛半兩

病人胃膈滿悶時時嘔吐逆肢節疼兩脇下痛腹中鳴此是停飲宜

二苓湯

赤茯苓 木猪苓 白朮各半兩 滑石兩 通

草 白荳蔻仁各二錢 丁皮七錢 陳皮五錢 桂

枝兩半

右為末每服三錢水一盞煎至七分去滓熱服小便未快加藷麥七錢半嘔未止加半夏半兩漸漸惡寒甚每服加葱白三寸

灰包熨法

病人服前藥胃膈不滿悶者此上焦有陽也或藥力太過上焦有熱腹滿虛鳴時時疼痛此是被陽藥消逐得上焦陰氣併入下焦也

雖是下焦積寒冷上焦陽盛更難投溫下焦藥也當用灰包法炭灰或桑柴灰二三升許入好醋拌和乾濕得所銚內炒令灰熱以帛包裹置臍下熨之頻換灰包令常熱以腹不滿痛爲度或初熨時病人不受者勿聽但令亟熨之不佳灰包可也如灰包熨後得下利三兩行或小便二三升或微似有汗此是陰氣外出或下泄也勿疑之病輕者乃得愈後出餘氣而解病人三部脈沉寸脈小於關尺

此爲陰盛當溫中藥以消陰氣宜厚朴九

陳皮 人參 白朮 藿香 當歸 細

辛之類是也

神朮湯亦同治陰躁而渴不可悞用涼藥若熱藥冷服內有伏陽則可若脈已虛按之全無力或病人素無食養只可溫服

海藏所製神朮白朮二湯

神朮湯治內飲冷外感寒邪無汗者

蒼朮 二兩 防風 二兩 甘草 乙兩 炒

右咬咀生姜水煎加葱白三寸 如治吹  
妳煎成調六一散三五錢如神 如太陽  
證發熱惡寒脈浮而緊者加羌活 如太  
陽證脈浮緊中帶弦數者是有少陽也加  
柴胡 如太陽證脈浮緊中帶洪者是有  
陽明也加黃芩 已小三證約量每服加  
二錢匕不論三陽婦人服者加當歸

神朮湯六氣加減例

太陽寒水司天加桂枝羌活 陽明燥金

司天加白芷升麻 少陽相火司天加黃  
芩地黃 太陰濕土司天加白朮藁本  
少陰君火司天加細辛獨活 厥陰風木

司天加川芎防風

上神朮湯六氣加減法非止爲司天之氣  
設也至於歲之主氣與月建日時同前應  
見者皆當隨所見依上例而加減之 神  
朮加藁本湯 每服內加二錢匕以意消  
息 神朮加木香湯 每服內加二錢匕



以意消息

白朮湯治內傷冷物外感風邪有汗者

白朮兩防風二兩甘草一兩

右咬咀每服秤三錢水一盞生薑三片同煎至七分去滓溫服無時一日止一二服侍二三日漸漸汗少為解

風溫證面赤自汗嘿嘿不欲語但欲寐兩手脈浮而緩或微弱此證不宜發汗若汗之令人筋惕肉瞤或譫言獨語或煩燥不卧

若下之直視失溲便若火之發狂似驚癇一逆尚引日再逆促命期活人本方葳蕤湯以有麻黃故不敢用宜上白朮湯主之若頭眩汗出筋惕肉瞤者加牡蠣 若腰背強硬者加羌活 若舌乾發渴者加人參 若身灼熱甚者加知母 若體重多汗者加黃耆 若內傷冷者不加

黃耆湯治傷寒內感拘急三焦氣虛自汗及手足自汗或手背偏多或肢體振搖腰腿沉

重面赤目紅但欲眠睡頭面壯熱兩脇熱甚  
手足自溫兩手心熱自利不渴大便或難或  
如常度或口乾咽燥或渴欲飲湯不欲飲水  
或少欲飲水嘔噦間作或心下滿悶腹中疼  
痛或時喜笑或時悲哭或時太息或語言錯  
亂失志世疑作謔言狂語者非或神不守室  
耳始得病寤寐之間或恐或悸頭項不甚痛  
行步只如舊陰氣盛陽氣走也兩手脉浮沉  
不一或左右往來無定便有沉瀼弱弦微五

種陰脉形狀舉按全無力浮之損小沉之亦  
損小皆陰脉也宜先緩而後急緩宜用黃耆  
湯甚者加乾姜炮

人參 黃耆味甘 白茯苓 白朮 白芍藥

各一兩 甘草七錢 嘔吐者加藿香半兩 生薑半兩

如無以乾者代之 陳皮半兩

右咬咀生薑水煎量證大小加減多少用  
之可也如大便結者調中丸主之

調中丸

人參 白茯苓去皮 乾生姜 白朮 甘草  
各等分

右為細末煉蜜為丸每兩作十九或五丸  
每服一二丸水少許煎服之 若病重急  
治者黃耆湯內每服加乾姜一錢大便結  
者理中丸主之

理中丸

人參 白朮 甘草炙 乾姜炮恐熱以生薑代之  
右等分煉蜜丸每兩作五丸白湯化下水

煎服亦得緩後治急也若尤急者無汗宜  
附子乾姜甘草湯 若自汗者宜附子白  
朮甘草湯量脉證可宜四逆湯真武湯通  
脉四逆選而用之

論陰陽易分寒熱

陰陽各相易證仲景止用燒裨散言簡而意  
至有餘也故朱奉議立陰陽易為二條後  
人始知有寒熱之別也故熱者有燒裨散  
而又有竹皮湯寒者有豶鼠糞湯又有當

歸白朮湯至於校正方妙香九條下治雜病陰陽易藥中有牛黃腦麝之類是知治熱證也豈可一途而取哉聖人立陰陽易條雖不盡者特舉其宏綱而已 海云若陰陽易證果得陰脉當隨證用之 若脉在厥陰當歸四逆湯送下燒裊散 若脉在少陰通脉四逆湯送下燒禪散 若脉在大陰四順理中丸送下燒禪散 所用之藥各隨其經而効爲之速也

燒禪散右取婦人中禪近隱處剪燒灰以水和服方寸匕日二服小便卽利陰頭微腫則愈婦人病取男子禪褙燒灰用

活人猥鼠糞湯療傷寒病後男子陰易

萐白根

乙把猥鼠糞十四枚

右二味以水五升煮取半升去滓再煎三沸溫溫盡服必有粘汗出爲效未汗再服亦理諸般勞復鼠糞兩頭尖大者是也竹皮湯療交接勞後卵腫腹中絞痛欲絕

竹皮青刮一升

右一味煮用小三升至一升絞去滓服愈

青竹茹湯婦人病未平復因有所動致熱氣

上衝胃手足拘急搐搦如中風狀宜此湯

芡蓼根

無黃者乙兩

青竹茹

刮半斤淡竹是

右以水二升半煮取一升二合去滓分二

三服

當歸白朮湯治婦人未平復因有所動小腹

急痛腰膝痛四肢不住舉動無熱發者

白朮 當歸 桂枝 附子生 甘草 芍

藥 黃耆 人參各二錢半 生姜半兩

右剉以水三升煮取一升半去滓通口服

一盞食頃再服溫覆微汗差

妙香丸

辰砂研飛 龍腦 膩粉研 麝香研各七錢半 牛

黃兩 金鉞九 十巴豆三百乙 心膜炒熟 研如泥去

油

右合研勻煉蜜出淨黃蠟六兩入白沙蜜

類聚六十一  
七錢半同煉勻爲丸每兩作三十九丸米飲  
調下

### 海藏治驗

完顏小將軍病寒熱間作腕後有癩三五點  
鼻中微血出兩手脉沉潛胃膈四肢按之  
殊無大熱此內傷寒也問之因暑臥殿角  
傷風又渴飲冰酪水此外感者輕內傷者  
重外從內病俱爲陰也故先癩衄後顯內  
陰寒熱間作脾亦有之非往來少陽之寒

### 熱也與調中湯數服而愈

許氏病陽厥怒狂罵詈親踈或哭或歌六脉  
舉按無身表如冰石發卽叫呼聲高潔古  
昔云奪食則已非不與之食予用大承氣  
湯下之得藏府數升狂稍寧數日復發復  
下如此五七次計大便數斗疾緩身溫脉  
生良愈此易老奪食之法也

侯輔之病脉極沉細內寒外熱肩背胃脇癩  
出十數點語言狂亂或曰發癩譫語非熱

乎余曰非也陽爲陰逼上入于肺傳之皮毛故癡出神不守舍故錯語如狂非譫語也肌表雖熱以手按執須臾冷透如冰與姜附等藥數日約二十餘兩後中大汗而愈後因再發脉又沉遲三四日不大便余與理中丸三日內約半斤其疾全愈侯公之狂非陽狂之狂乃失神之狂卽陰也侯國華病傷寒四五日身微癡渴飲胘之沉弦欲絕厥陰脉也溫藥數日不已又以姜

附等藥散回脉生因渴私飲水一盃脉復退但見頭不舉目不開問之則犯陰易若只與燒裊散則寒而不濟矣遂煎吳茱萸湯一大服調燒裊散連進二服作大汗兩晝夜而愈

弋唐臣嗜冷食遂成陰脉遲七八至一止後僅三至予亟與溫劑數服四五日不解遂續晝三夜一七日脉生大汗而解秦二母病太陰病三日不解後嘔逆惡心而

脈不浮文之與半硫丸二三服不止復與黃耆建中湯脈中極緊無表裏胃中大熱發渴引飲皆曰陽證欲飲之水余不與與姜附等藥緊脈反沉細陽猶未生以桂附薑烏之類酒丸以百丸接之二日中十余服病人身熱煩燥不寧欲作汗也又以前丸接之覆以厚衣陽脈方出而作大汗翼日大小始通下瘀血一盆如脈肝然用胃風湯加桂附三服血止其寒甚如此亦世

之未嘗見也

秦二好服三生茶及冷物積而痼寒脈非淨非沉上下內外舉按極有力堅而不柔觸指突出膚表往來不可以手數名縱橫不可以巨細狀此陰證鼓擊脈也一身游行之火萃于胃中寒氣逼之故搏大有力與真武四逆等藥佐以芍藥茴香酒糊丸使不僭上每百丸晝夜相接八九服丸至半干作汗而愈亦世罕有也



姬提領因目疾服涼劑數日遂得陰病臍腹  
下大痛幾至於斃與姜附等劑雖稍蘇痛  
不已遂於本方內倍芍藥服之愈

李良佐子病太陽證尺寸脈俱浮數按之無  
力余見其內陰與神木加芫薑湯愈後再  
病余視之見神不舒垂頭不欲言疑其有  
房過問之犯房過乎必頭重目暗曰唯與  
大建中三四服外陽內收脈反沉小始見  
陰候又與已寒加芍藥茴香等丸五六服

三日內約服丸六七百脈復生又用大建  
中接之大汗作而解

### 陰證發癍

陽證發癍有四有傷寒發癍有時氣發癍有  
熱病發癍有溫毒發癍班班如錦文或發  
之面部或發之胷背或發之四肢色紅赤  
者胃熱也紫黑爲胃爛也一則下早一則  
下之晚乃外感熱病而發癍也當服玄參  
升麻白虎等藥

陰證發癰亦出胷背又出手足亦稀少而微紅若作熱疾投之涼藥大悞矣此無根失守之火聚於胷中上獨熏肺傳於皮膚而為癰點但如蚊蚋蚤虱咬形狀而非錦文也調中溫胃加以茴香芍藥以大建中之類其火自下癰自退可謂治本而不治標也

唐生者病因飲酪水及食生物下利紫黑血十余行脾胃受寒濕毒與六神平胃散半

兩加白朮三錢以利腰臍間血一服愈

潔古云煩滿囊縮可灸陽陵泉在膝下一寸外廉是也陰病在內活人定以返陰丹當歸四逆湯及加吳茱萸生姜湯又以臍下一寸灸之及以臍下各四边一寸三處齊灸之極則二寸石門急灸之仍與前藥子恐不任藥與灸者別立代灸法

代灸塗臍膏 方見衛寶鑑

陰證發黃 方在前元戎遺內附

趙宗顏因下之太過生黃脈沈細遲無力次弟用藥至茵陳附子湯大效

趙秀才因下之早黃病脈寸微尺弱身冷次弟用藥至茵陳四逆湯大效

傷寒病遇太陰太陰司天若下之太過往往變成陰黃一則寒化太過水來犯上一則

土氣不及水來凌之多變此疾一則茵陳茯苓湯加當歸桂二則茵陳橘皮湯加薑

朮半夏三則茵陳附子湯四則茵陳四逆

湯五則茵陳薑附湯六則茵陳吳茱萸湯

方在前十遺內

內感傷寒勞役形體飲食失節中州變寒之病生黃非壞之而得只用建中理中大建中足矣不必用茵陳也

若男黃小便自利當與虛勞小建中湯

若黃疸色不變欲自利腹滿而喘不可除熱

除熱必噦小半夏湯

韓氏曰產脫血虛者宜用羊肉湯傷寒汗下

太過亡陽失血若只用救逆效必遲矣與  
 羊肉湯為效神速病人而色雖見陽是客  
 熱上焦中下二焦陰氣已盛若調得下焦  
 有陽上焦陽氣下降丹田知所歸宿矣氣  
 有高下病有遠近證有中外治有輕重各  
 適其至所謂病八九日汗下太過二脉沉  
 細無力多蹇足附惡明與人聲皮有粒時  
 戰如瘧宜羊肉湯主之

羊肉湯方

當歸 白芍藥 各一兩 黑附子 四錢炮裂去皮臍 龍  
 骨 半兩燒 生薑 二兩 牡蠣 壹兩燒赤 桂枝 七錢  
 右為籠末每一服二兩羊肉四兩葱白五  
 寸去黃心同剉爛以水五升 一升今之熬一大盞也  
 至一半以來濾絞去滓分三服飲之 海  
 云陽證大汗大下後亡陽于外亡血于內  
 上而津脫下而液脫津液兩亡宜以此湯  
 補之矧陰證者豈可不溫補哉此與傷寒  
 太陽證振搖與真武湯一例外之陽病至

此尚溫况之陰候豈得不補耶

陰證下血

胃中聚集之殘火腹裏積久之太陰上下兩絕脈絡部分陰陽不通用苦熱以定于中使辛熱以行于外升以甘溫降以辛潤化嚴肅為春溫變凜冽為和氣汗而愈也然餘毒土苴猶有存者周身陽和尚未泰然胃中微燥而思涼飲因食冷物忽服涼劑陽氣復消陰餘再作脈退而小弦細而遲

激而為衄血唾血者有之心肺受邪也下而為便血溺血者有之腎汗受邪也三焦出血色紫不鮮此重查寒濕化毒凝泣水穀道路浸漬而成若見血證不詳本源便用涼折變乃生矣

陽證溢出血  
陰證下如豚肝

上而血者黃耆桂枝湯 白芍藥當歸湯

中而血者當歸建中湯 增損胃風湯

下而血者芎歸朮附湯 桂附六合湯

若三血證在行陽二十五度見黃耆四君

子湯主之 若三血證在行陰二十五度見當歸四逆加吳茱萸主之

迴生神膏治男女陰毒傷寒外接法

牡礪 煉粉 乾薑 炮裂各一錢

右爲細末男病用女唾調手內擦熱緊掩二卵上得汗出愈女病用男唾調手內擦熱緊掩二乳上得汗出愈卵與乳男女之根蒂坎離之分也 陰證大小不通及諸雜病陰候大小不通者並宜此外治法數

日不通爲急非急勿用

急提盆散雜病非陰候者草烏頭不以多少

生用右爲極細末用葱一枝肥者削去鬚

頭圓上不葱汁濕蘸之任穀道中

陰毒傷寒四肢逆者吳茱萸不以多少右爲

細末溫酒和勻生絹袋盛之熱熨脚心

令通暢愈若以湯煎溫藥潔洗以接四肢

亦可

少陰欬逆

仲景有傷寒欬逆上氣脈散者死謂其形損故也少陰渴逆者失下也陰消將盡陽逆上行使陰不內也爲之惡候或兼以舌彎語言不正而反昏冒與咽痛者少陰也速下之宜大承氣湯 若陽極脈微將盡者不宜下宜瀉心湯養陰退陽而已如不用瀉心湯涼膈去硝清肺亦可 若飲水過多心下痞而渴逆者五苓散主之別無惡候是也

夫欬逆孫真人斷之爲歲逆噦者乾嘔是已卽非欬逆也夫欬逆者多種或水漬於肺而心病或連欬不已而氣逆或喜笑過多而氣噎或嚙飲錯喉而氣鎗或急食乾物而氣塞皆能作欬逆之聲世呼謂之吃忒是也皆氣不得下爲火熱托之而使上至咽喉中噎而止也人或以紙撚鼻因嚏而止或詐寃盜物因恐而止或鼻聞食香調氣而止皆抑之駭之調之而使氣下也千

金以喘嗽欬逆上氣者爲病肺脉散者是心火形於肺金也心之肺謂之死陰死陰之屬不過三日死以其形見乎損傷故也此說甚優 易老謂渴逆者火熱奔急上行而肺陰不內何其當哉故便秘者大承氣湯下之便軟者瀉心湯主之也

陰證欬逆

且陽證欬逆者胃熱失下也陰氣先絕陽氣後亦將竭火獨炎上逆出陰氣而爲欬逆

陰證者內已伏陰陰氣太甚腎水擅權肝氣不生胃火已病丁火又消所有遊行相火寒邪迫而萃集於胃中亦欲盡也故令人發熱大渴引飲并去蓋覆病人獨覺熱他人按執之身體肌肉骨髓血脉皆寒此火卽無根之火也故用丁香藜蘆之類熱藥溫胃其火自下欬逆方止非若涼膈瀉心以治陽證自上而下瀉退心火陰氣乃生陰證欬逆從嘔噦而生胃寒嘔噦不已



渴逆繼之靈苑治陰證欬逆

勻氣散

川烏頭 大者三个炮裂去皮臍

石為細末每服二錢黑豆二十一粒沙糖

鷄頭仁大水煎承熟細細飲之

本事治陰毒吃逆方

川烏頭 乾薑 附子 已上俱炮 肉桂 芍藥

炙甘草 半夏 吳茱萸 陳皮 大

黃

右各等分為細末每服一錢水一盞生姜三五片煎至七分去濁滓取清熱服

許學士以退陰與正元同煎以治陰證欬逆霹靂煎大塩與蜜等分熬可捻如蜜導煎上

頭銳用寸許內穀道中少許化開則通

海藏曰蜜導用塩相合亦可如川草烏頭末

相合亦可塩則軟堅潤燥草烏末則化寒

消結可隨證陰陽所宜用之

海藏云傷寒欬逆脉散死仲景之言不虛偽

大抵源流失下生欬逆喉中陰不內便與  
唯宜用瀉心便硬尤宜大承氣二藥神功  
作者誰東垣潔古爲良制

活人陰證諸藥不效并湯水不下身冷脉絕  
氣息短不知人用葱熨法莫若用醞醋拌  
麩炒熱注布袋中蒸熨比上法尤速

一法用丁香萆撥乾姜牡蠣燒粉手心中以  
唾津調如泥以手掩其陰至煖汗出爲度  
一法治水癩偏大上下不定疼痛不止牡蠣

不以多少塩泥固濟炭三斤煨令火盡冷  
取二兩乾姜一兩炮爲細末二味和勻冷  
水調得所塗病處小便大利卽愈保命集  
類要

辨脉三部九候

并持脉須明三部九候不知者未足言診脉  
之道三部者寸爲上部主鬲上至頭之有  
疾關爲中部主鬲下至臍之有疾尺爲下  
部主臍下至足之有疾故爲三部也九候

者浮診三指之下浮診三候者三而成天  
中診三候者三而成人沉診三候者三而  
成地三而三之故爲九候此四十五動平  
脉法也如三指之下浮診得六數七極者  
熱實於表當瀉表宜麻黃湯 如浮診得  
三遲二敗者爲表虛也當補其虛宜桂枝  
湯 如中診得六數七極者是中焦之熱  
實宜調胃承氣湯瀉之 中診得三遲二  
敗者中焦虛也當補之以建中湯理中湯

如沉診得六數七極者下焦熱實以大承  
氣湯瀉之 沉診得三遲二敗者下焦之  
虛也以姜附湯補之 麻黃爲瀉能瀉表  
之實不能瀉裏之實桂枝湯爲補而能補  
表之虛不能補裏之虛姜附爲補不能補  
表之虛而能補裏之虛承氣爲瀉能瀉裏  
之實不能瀉表之實建中之補能補中焦  
之虛而不能補上焦下焦之虛調胃爲瀉  
能瀉中焦之實而不能瀉上焦下焦之實

也

辨傷寒溫病

問曰傷寒溫病何以脈辨答曰溫病冬傷於寒所得也至是變為溫病傷寒汗下不愈而過經其證尚在而不除者亦溫病也經曰溫病之脈行在諸經不知何經之動隨其經所在而取之如太陽證汗下後過經不愈診得尺寸俱浮者太陽溫病也如身熱口疼汗下後過經不愈診得尺寸

俱長者陽明溫病也如胃脇痛汗下後過經不愈診得尺寸俱弦少陽溫病也如腹滿喘乾診得尺寸俱沉細過經不愈太陰溫病也如口燥舌乾而渴診得尺寸俱沉過經不愈少陰溫病也如煩滿囊縮診得尺寸俱微緩過經不愈厥陰溫病也是故隨其經而取之隨其證而治之如發癍乃溫毒也刺傷寒結有痞氣

傷寒下後結胃痞氣皆足三陰之終手三陰之始胃中結痞過在足少陰腎手厥陰包絡刺兩經之井原以瀉胃中之氣心中結痞過在足太陰脾手少陰心刺兩經之井原以瀉心中之氣胃中結痞過在足厥陰肝手太陰肺刺兩經之井原以瀉胃中之氣或上中下三腕應痞結而瀉之

刺傷寒三陽頭痛

傷寒三陽頭痛何法刺之荅曰手之三陽足

之三陽皆會於頭者謂諸陽之會其受邪伏留而不去故曰三陽頭痛視其色脉知在何經如脉浮而頭痛過在足太陽刺腕骨京骨如脉浮而長過在手陽明刺合骨衝陽如脉浮而弦過在手足少陽刺陽池丘墟風府風池刺頭痛之法也

刺三陰腹痛

傷寒邪在三陰內不得交通故爲腹痛手足之經皆會於腹如脉弦而腹痛過在足

厥陰肝手太陰肺刺太衝太淵太陵 如  
脉沉而腹痛過在足少陰腎手厥陰心包  
刺太谿太陵 如脉沉細而腹痛過在足  
太陰脾手少陰心刺太白神門三陰交刺  
腹痛之法也

桂枝湯二十八證方一十四道

桂枝湯論

尺寸俱浮太陽受病當一二日發以其脉上  
連風府頭項痛腰脊強太陽經始於目內

皆從頭下至足終於至陰爲表之表其太  
陽者標熱本寒爲太陽之表表陽則熱本  
皆膀胱之裏主水故寒脉浮爲在表故太  
陽經病身熱惡寒頭痛項強腰痛凡治太  
陽不可利小便不可妄下利小便者熱傳  
於裏而爲血證下之則變爲結胃此太經  
病所禁也若傳於本者可利小便本爲膀  
胱有熱小便赤澁何禁也太陽中風風傷  
衛衛氣虛而脉浮身熱自汗惡風宜桂枝

桂枝加葛根湯

桂枝 芍藥

甘草 各陸錢

葛根 一兩生

姜 兩一 大棗 枚四

右剉如麻豆大每服五錢煎服

太陽標中風身熱頭痛項強惡風反下後脉浮而弱自汗而喘肺主於氣上逆而喘因下動胃氣加厚朴屬陽明上氣而逆屬肺加杏仁故宜桂枝加厚朴杏子湯

桂枝 芍藥

生姜 各一兩

甘草 六錢

大棗 枚四

厚朴 杏子 各加五錢

右剉如麻豆大每服五錢水二盞煎服

太陽標本病頭痛項強惡風身寒自汗脉浮而微發汗遂漏不止小便難而清四肢急難以屈伸者太陽標與少陰本相併故宜桂枝加附子湯

桂枝 生姜 各一兩半

大棗 枚三

芍藥

甘草 各一兩

附子 兩半 炮

右剉如麻豆大水煎服

太陽標本病頭痛惡寒下之後胃滿脉促太陽標大陰本相併桂枝加芍藥湯脉微而遲太陽與少陰相併故加附子

桂枝加芍藥湯

桂枝 生姜 各一兩半 芍藥 參兩半 大棗 陸枚 痛甚

者加大黃 大實痛裏傳表

右咬咀每服五錢水煎服

桂枝去芍藥加附子湯

桂枝 甘草 生姜 各一兩半 大棗 六枚 附子 去皮

勝米泔浸

右咬咀每服五錢水煎服

太陽標病脉浮而大頭痛項強八九日如瘧狀熱多寒少不嘔者無少陽清便自調者裏和也寒熱榮衛俱病故宜桂枝麻黃各半湯

桂枝 八錢 芍藥 生姜 甘草 各半兩 大棗

二麻黃 半兩 去節

右咬咀每服五錢水煎服

太陽標病頭痛項強身熱惡寒脉浮而洪過



於平脉而自汗不止衛氣不與榮氣諧和刺  
風池風府整太陽之綱却與桂枝汗又不止  
形似瘧一日再發非桂枝證也脉洪大者故  
獨桂枝不愈可與桂枝二麻黃壹湯和其榮衛  
桂枝二麻黃一湯

桂枝 八錢半 芍藥 五錢半 麻黃 參錢去節 大棗 二枚 生

姜 五錢半 杏仁 八枚浸去皮尖

右剉如麻豆大每服五錢水煎服

太陽病頭痛項強熱多寒少脉微而弱陰脉

也熱多寒少有陽明太陽與陽明標併宜桂  
枝二越婢一湯

桂枝 芍藥 甘草 麻黃 各參錢 生姜

五錢半 石膏 兩半 大棗 二枚

右咬咀每服五錢水煎服

桂枝證或下之頭項強痛發熱無汗心下滿  
疼小便不利熱不除宜桂枝去桂加茯苓白  
朮湯

芍藥 一兩 大棗 六枚 甘草 生姜 茯苓

白朮各一兩

右咬咀每服五錢水煎服小便利止後服  
太陽標病身熱頭痛項強寸浮尺弱寸浮汗  
自出尺弱熱自發陰虛則發熱陽浮則惡  
寒翕翕發熱為肌熱鼻鳴乾嘔者裏和表  
有病桂枝湯主之

太陽病如瘧頭痛項強發熱惡寒熱多寒少  
一日三二度發脈浮微緩者欲愈也脈微  
而惡寒者此陰陽俱虛不可發汗更下更

吐也 如汗下後面反有赤色者未解也  
不能得小汗出非獨桂枝證也身痒者榮  
衛不行可用桂枝麻黃各半湯

太陽經病外證未解脈浮弱者為陽弱  
者為陰法當自汗故宜桂枝湯

太陽病禁下下之後身熱惡風脈浮者表未  
解脈浮而微者陰也法微喘而為傷肺下  
之傷胃故宜桂枝厚朴杏子湯

太陽病身熱惡寒惡風脈浮者表未解下之

逆也解表宜桂枝湯

太陽病身熱惡寒惡風脈浮而弱自汗出而  
不止榮衛不和也宜桂枝湯

太陽病脈浮而弱身熱小便清知不在裏太  
陽本不病邪在標宜桂枝湯

太陽病頭痛項強身熱發汗則解半日復煩  
者脈浮數未解也可更發汗宜桂枝湯

太陽病身熱頭痛脈浮而緊無汗醫發汗過  
多其人叉手自冒心心悸欲得按者因發汗

多虛故也宜桂枝加甘草湯甘以緩之也

桂枝甘草湯

桂枝 甘草 各一兩

右咬咀每服五錢水煎服

太陽病脈浮而緊身熱頭痛項背強當發其  
汗醫妄下之清穀不止身疼痛其脈緊而  
微當救裏宜四逆湯候身不疼痛清便自  
調急當救表宜桂枝湯

太陽病脈浮而弱身熱惡風頭痛項強自汗

不止榮弱衛強榮弱者汗自出血不能守而泄於外衛不能護是知榮衛不和也欲救邪風宜桂枝湯

太陽經病頭痛項強身熱不罷者不可下是禁也下之爲逆醫以小發其汗邪氣不越則面色正赤陽氣怫鬱而不得越也蓋當汗而不汗也故其人躁煩者邪氣不能散也行於經中乍在四肢乍在腹中按之不能得經一兩次汗解邪氣不除則致病人

短氣但坐者虛也故汗出不徹脉浮而濇故知之更發汗則愈太陽中風脉浮而緩今反浮而濇者因小發汗脉濇而緊者身必疼痛當大發汗如尺中弱者不可發汗尺者陰也弱者陰虛也陰主血虛則尺虛不能作汗故知禁也病常自汗出榮氣和也不解者衛氣不與榮氣和也脉居榮衛之中榮衛和則脉平榮衛不和則脉病當和榮衛使脉得平宜桂枝湯

太陽病苦頭痛者必衄乃邪無從出也宜桂枝湯

太陽標病頭痛身熱項背強脈浮而大法當汗解脈浮大而熱甚醫又熏之令其汗出病人反煩燥而不解後必清血便血或衄血皆火邪所致也是謂實實虛虛禁之一也其脈數者醫又灸之火邪隨經而為煩逆助陽損陰乘虛而助實流散脈中焦骨傷筋焦骨為骨蒸傷筋為筋緩從腰下重者傳陰分

也名曰火逆禁之二也

凡病欲必解先煩燥汗欲出也醫又燒針令汗榮衛不和加燒針則寒邪核起而赤不散盛火之氣發腠脈從少腹上衝心痛皆燒針之過也所禁者三也太陽標病薰針灸三禁而發變者宜桂枝加桂湯

桂枝二兩芍藥二兩生薑各一兩甘草一兩大棗六枚

右咬咀每服五錢水煎

太陽病外未除數下之頭痛身熱惡風脉浮而弱醫反數下之此其禁也表證不除骨熱而利邪氣從虛而入其脉尚浮宜桂枝加人參湯人參甘溫以甘緩之桂辛熱以辛散之甘緩其中辛散其表故宜桂枝加人參湯

桂枝一兩甘草一兩白朮一兩人參一兩乾薑一兩

各一兩

右咬咀每服五錢水煎

太陽病頭痛身熱惡寒脉浮醫反下之後又

發其汗不當下而下心下痞而惡寒脉浮不可攻痞攻之爲逆解表宜桂枝湯表解後攻其痞宜大黃黃連瀉心湯

太陽傷寒頭痛身熱惡寒惡風身疼煩不能轉側者太陽表中風寒濕之氣風則身熱頭痛自汗濕則肢節煩疼體重故也寒則浮而濇濇則陰盛而患寒宜桂枝加附子湯

太陽標病身熱惡寒風脉浮而緩大便硬屬

陽明小便不利太陽本也欲下之其脉浮而緩有太陽表證宜減其辛而加其甘以緩其中不發不攻也故桂枝去桂加白朮湯太陽病身熱惡風項背強而脉浮反下之腹滿痛而利屬太陰宜桂枝加芍藥湯如胃中滿痛而實不自利脉浮者當以寒治熱以苦能泄宜

桂枝加大黃湯

桂枝參芍藥半甘草一兩大蘗各半

右咬咀每服五錢水二盞棗一枚生姜四片同煎

太陰標病腹滿咽乾脉浮者有太陽也當從脉浮治宜桂枝湯不自利者勿加芍藥

麻黃湯十證方五道

太陽尺寸脉俱浮脉從標本桂枝主衛而在表故風則傷衛衛者氣也氣從於表太陽行身之後故先用桂枝寒則傷榮榮者血也血爲有形之說血近於經經有始終榮衛營周

不息豈有止也寒邪傷榮脉浮而緊身熱惡寒頭項痛而無汗故終始者為經以身熱者為表以浮者為標故太陽病先桂枝次麻黃麻黃為瀉表之實

麻黃湯

麻黃

二兩半

桂枝

一兩

甘草

半兩

杏仁

五十粒去皮尖

右剉如麻豆大每服五錢水煎服取微汗太陽標病身熱頭痛項背強身疼惡風是寒則傷榮脉浮而緊表實無汗而喘者宜麻

黃湯

太陽標病頭痛身熱合陽明標發熱不惡風而反惡熱脉浮而長喘而胃滿不可下當從脉浮而治以麻黃湯解表從太陽也太陽病頭痛項背強十余日不解脉浮而細胃中滿脇痛者太陽少陽併病與小柴胡湯如脉浮而不細反緊者宜麻黃湯太陽標病身熱惡寒脉浮而緊無汗身疼痛表實榮氣不得泄煩燥必衄宜麻黃湯



當汗不汗則衄也

太陽標病脈浮緊而頭痛已發其汗雖漏不止不可行桂枝自汗而喘邪在上焦而無大熱者未傳入裏也宜麻黃杏子甘草石膏湯石膏之氣清治太陽頭痛甘緩其中杏仁治上焦之喘非麻黃發汗之治也

麻黃杏子甘草石膏湯

麻黃二兩杏仁二十五個石膏四兩甘草一兩

右咬咀每服五錢水煎

太陽標病頭痛惡寒脈浮而緊無汗身疼痛八九日不解者未經發汗微發其汗小除其煩目瞑劇者邪氣循經上攻頭者諸陽之會必作衄也陽氣重故耳宜麻黃湯少陰本病脈沉而遲身熱頭疼背強自太陽所變也當從少陰治寒淫於內治以辛熱宜麻黃附子細辛湯

麻黃細辛附一枚炮

右咬咀每服五錢水煎

少陰標本病身涼脉沉頭痛無汗宜微發其汗麻黃附子甘草湯

麻黃 甘草 各二兩 附子 一枚炮去皮臍

右咬咀每服五錢水煎服相次三兩服微汗出止

厥陰標病傷寒陰結不大便六七日大下之結去脉常浮則愈反寸脉沉而尾手足厥冷寸脉沉而遲者少陰本脉故主咽喉不利唾膿血四肢厥者為厥陰利不止為太陰為難

治溫之則咽中痛不可溫也宜麻黃升麻湯

麻黃 二兩 升麻 當歸 各一兩 知母 參分 麥

門冬 一分 黃芩 參分 乾姜 芍藥 桔梗

石膏 茯苓 甘草 白朮 各一分

右咬咀每服五錢水煎相次一服汗出止

葛根湯四證方三道

太陽傷寒中風經與經合尺寸俱長陽明受病當二三日發以其脉夾鼻絡於目故身熱目疼鼻乾不得卧陽明經始於鼻交頰中從

頭下至足行身之前為表之裏其陽明經標熱本實標陽則熱本於胃胃者水穀之海故本實其從標則浮而長從本則沉而實陽明為肌肉之本標病身熱蒸蒸而不惡寒本實胃中燥鼻乾目疼几几而熱陽明禁發汗在本者不禁下發之則變黃證太陽主表榮衛是也榮衛之下肌肉屬陽明二陽併病葛根湯主之衛者桂枝榮者麻黃榮衛之中麻黃桂枝各半湯榮衛之下肌肉之分者葛根湯

又名解肌湯

葛根湯

葛根一分 麻黃三分 桂枝 甘草 芍藥各半

生薑三分 大棗三枚

右咬咀每服五錢水煎覆取微汗

太陽經病項背強頭痛太陽從上至足几几而無汗肌熱者屬陽明惡風在表也脉浮而過於平脉宜葛根湯

太陽經病頭痛項背強兀兀而熱不惡風目

疼鼻乾而利者傳陽明也脉浮大而長傳胃則嘔宜葛根湯

太陽經與陽明合病頭痛項强身熱不惡風脉浮弦不下利陽明本實但嘔者少陽也宜葛根加半夏湯

葛根四兩麻黃三分甘草芍藥桂枝各半兩

大棗三枚半夏六錢

右咬咀每服五錢水煎日三

太陽經與陽明標為病頭痛項强身熱鼻乾

脉浮大而長當葛根湯解肌從陽明之治也若無陽明脉證獨有太陽脉浮自汗惡風桂枝湯主之反下之裏虛利不止脉浮大而長者葛根加黃芩黃連湯黃連苦而堅內能止下利黃芩苦寒主表熱裏實是以加之葛根加黃芩黃連湯

葛根二兩黃芩一分甘草半兩黃連參兩

右咬咀每服五錢水煎

青龍湯五證方二道

傷寒六經以太陽為始故背為外腹為內背  
主表腹主裏太陽行身之後為諸陽之表風  
寒中人先傷於表故外而之內邪中衛者桂  
枝中榮者麻黃在肌者葛根在筋者青龍去  
葛根而加石膏使為大青龍無水者不用因  
水而用之也

### 大青龍湯

麻黃

兩 桂枝

兩 杏仁

二十

大棗

五

生姜

甘草

兩 石膏

雞

子大

右咬咀每服五錢水煎

太陽經中風頭痛項強脉浮而緊發熱中風  
脉當得緩自汗出今反浮緊無汗而煩躁  
可解表宜大青龍湯

太陽經傷寒頭痛項強身不疼但重乍有輕  
時中風即脉緩宜大青龍湯

太陽經病身熱頭痛惡風脉浮而滑表不解  
心下有水氣而嘔噦者小青龍主之心下有  
水氣加細辛乾姜辛而散水五味子酸收而

止渴故宜小青龍湯

麻黃 芍藥

細辛

各叁分

半夏

叁錢湯乾洗姜製

姜

叁分

甘草

叁分

枳枝

一分

五味子

兩半

右咬咀每服五錢水煎

太陽經病頭痛身熱惡風因飲水而欬者邪在於表因飲水而不消形寒飲冷則傷肺故微喘脉浮而緊宜小青龍湯

太陽經病頭痛項強腰脊強脉浮而緊是傷寒也法當解表反飲冷水內無邪熱不能

勝水故停心下乾嘔而欬或渴或噎水停心下或利水氣逆上或小便不利膀胱受濕或喘傷肺宜小青龍湯

柴胡二十證方五道

尺寸脉弦者少陽經受病也當三四日發以其脉循脇絡於耳故胃脇痛而耳聾少陽經始於目銳眦終於竅陰從頰下至足交膻中故胃中痛絡耳則耳聾循脇則脇痛風熱交於目銳眦尺寸俱弦從膽經屬木脉從其本

也足少陽本陰行身之側從標陽水之子故發熱從本陰木之母故惡寒前有陽明後有太陽木居於中故往來寒熱治必陽有三禁不可汗不可下不可利小便表解者有高下有淺深皆各不同自桂枝至青龍表解盡也已下有太陽柴胡證與少陽標與經相併所致也三陽自少陽而傳陰陰懼邪而嘔傳陽則寒熱交爭少陽者爲病內不得入外不得出半陰半陽非專辛甘酸苦之藥柴胡黃芩

味苦寒而從陰半夏生姜味辛熱而從陽人參甘草大棗味甘和而從中厥陰風木從乎中也上春分之氣也其次有大柴胡從陰者三分之一從陽者一與承氣相近爲表之裏藥也生姜半夏大棗之辛甘發散爲陽裏者大黃枳實芍藥黃芩柴胡酸苦湧泄爲陰多陰而少陽也故名大柴胡湯陰陽各半故名小柴胡湯

柴胡二兩 黃芩七錢半 人參七錢半 半夏七錢

四分 大棗枚 甘草六錢二分 生姜五錢

右咬咀每服五錢水煎

太陽經病頭痛項強脉浮而緊者表病也今反浮細者外已解也浮而細者表已和也設胃滿者少陽經病宜小柴胡湯脉浮宜麻黃湯

太陽經病五六日頭痛項強腰痛脉弦而浮往來寒熱胃滿者少陽也喜嘔者欲傳於

裏也宜小柴胡湯

血弱氣盡腠理開邪氣因入與氣分爭往來寒熱休作有時宜小柴胡湯主之

太陽經病頭痛腰脊強身熱過經者六經傳變至十餘日先汗而表解後下之後柴胡證仍在大使結而煩脉數者宜

大柴胡湯

柴胡四兩 黃芩 芍藥各一兩半 半夏一兩半 枳

實半兩 大黃兩



右咬咀每服五錢生姜四片棗一枚同煎以利爲度

太陽經病頭痛項强身熱惡寒脈浮而緊已發其汗而小差過經十三日不解胃脇滿而嘔者少陽經病也日晡發潮熱者陽明經病也必大便硬宜柴胡加芒硝湯

柴胡二兩黃芩一分人參一分甘草二分半夏六分

大棗一枚生姜一分芒硝各半

右咬咀每服五錢水煎去滓入硝再煎三

二沸溫服

太陽傷寒頭痛項強五六日中風不解往來寒熱非桂枝證而少陽經病胃脇苦滿嘿嘿不欲食者傳裏也心煩喜嘔者胃虛也或胃中煩者邪在上焦也不嘔者胃實也或渴者裏熱也或腹中痛者裏實也或心下痞硬者少陽結也或心下悸動者裏熱也或不渴者裏和也或微熱欬者氣逆也宜小柴胡湯加減用之

太陽經病六七日脉遲陰也浮弱者陽虛也  
虛則惡風寒手足温者表病也醫二三下之  
裏虛不能實而脇滿痛少陽也面目及身黃  
者濕熱也項强者太陽經病也小便難也衛  
氣不行也與小柴胡湯後必下重少陰本受  
濕也本渴飲水而嘔者胃虛也柴胡不中與  
也脉遲而不弦者宜小建中湯

桂枝一兩芍藥二兩甘草一兩膠飴半升大棗六枚  
生薑一兩

右㕮咀每服五錢水煎去滓內膠飴再煎  
日三夜二尺脉沉遲再作一劑加黃耆末  
一分

太陽經病傷寒陽脉濇濇者陰也陰脉弦弦  
者陰也尺寸俱見陰脉也病當腹中痛先  
與小建中湯止裏表不和者與小柴胡湯  
和之

太陽傷寒頭痛項強胃脇滿痛而嘔者足太  
陽經與少陽經俱病脉當浮弦日晡潮熱

者陽明本也當大柴胡湯下之不得利反  
自利者知醫用丸藥下之也傷寒之禁故  
言非其治也潮熱者胃實也先宜柴胡解  
太陽少陽經病表解則柴胡加芒硝攻陽  
明之本可也

太陽經病斗余日表傳於裏脈須浮熱結於  
內胃中實痛小便赤澀往來寒熱宜大柴  
胡湯

太陽經傷寒五六日頭痛項背強脈浮汗出

而解復下之裏未實下後胃滿氣痞於上小  
便清而不利氣結於下反渴陰陽不和也頭  
汗出者陽動於上往來寒熱表裏不和宜柴  
胡桂枝乾姜湯

柴胡 括蕒根 各二兩 黃芩 二分 乾姜 甘草  
各半兩 桂枝 一兩 牡蠣 半兩  
兩 右咬咀每服五錢水煎

太陽經病五六日頭汗出者陽動於上微惡  
寒者太陽本也手足逆冷者傳於內也心

下滿大便難不欲食脉細者陽氣結也非少陰也宜小柴胡湯三陰無頭汗故非也太陽經傷寒汗出不解心下痞嘔吐下利者宜大柴胡湯

陽明經病潮熱鼻乾目疼脉弦而長大便溏陽明本虛也胃滿不去者少陽經病也故宜小柴胡湯

陽明經中風故身熱鼻乾而嗜卧不得汗陽明也短氣腹滿脇下及心痛少陽也脉弦

者少陽也浮者陽明中風也一身及目黃者陽明屬土故色黃結於目也小便難者濕熱在內也有潮熱時時發噦裏實也耳前後腫者濕熱在下也十日已去脉續浮者傳表也當隨證加減而治脉浮而弦者宜小柴胡湯

### 承氣湯二十七證方三道

凡治傷寒須明標本經絡始終陰陽脉變滑濇浮沉發表攻裏標本逆從邪氣所感而

有淺深皮膚腠理肌肉筋骨高下不同瀉  
痞攻實治皆各異淺者桂枝次者麻黃次  
附子細辛此淺深之次也表之裏者小柴  
胡其次表微裏甚者大柴胡湯獨裏無表  
者承氣湯也故發表有淺深攻裏有微甚  
承氣攻裏立法有三大承氣者厚朴苦溫  
去痞枳實苦寒泄滿芒硝味鹹而能軟堅  
大黃味苦寒能泄實痞滿燥實四證全則  
可用故曰大承氣湯

小承氣者大黃味苦寒泄實厚朴味苦溫  
去痞痞實兩全可用也故曰小承氣湯  
調胃承氣者大黃苦寒泄實芒硝鹹寒而  
能稟堅潤燥甘草和平其中燥實堅三  
證全者可用故曰調胃承氣湯此攻裏不  
同也

### 大承氣湯

厚朴兩芒硝兩半大黃兩半枳實兩半  
右咬咀每服五錢水二盞先煮厚朴枳實

至一盞後入大黃取六分去滓入硝煎一

二沸於溫服以利為度未利再服

小承氣湯 又名三物厚朴湯治腹脹脈數又治消在中為順氣散

大黃 一斤 厚朴 半斤

右咬咀煎服同前 若微滿者加用枳實

調胃承氣湯 加當歸為養毒散 治時氣疔疽五發瘡瘍喉閉雷頭

甘草 半斤 芒硝 九分 大黃 一斤 酒浸

右咬咀煎服同前 加牛勞子寒水石為末蜜水調治疫氣大頭病

太陽經病傷寒頭痛項背強發熱自汗小便

數者傳陽明也微煩惡寒脚攣急脈浮弱

者與桂枝湯得之便厥咽乾煩燥吐逆者

外熱而裏寒也作甘草乾姜湯與之汗止

榮衛內守更作甘草芍藥湯與之其脚即

伸若胃中氣不和與調胃承氣湯

太陽經病頭痛項強麻黃證已後十三日不

解再傳經譫語脈沉疾宜調胃承氣湯

太陽經病頭痛項強身熱脈浮汗出少與桂

枝表過十餘日下溫溫欲吐者胃氣不和

也胃中滿少陽經病也大便秘反溏者胃中有濕也腹微滿者氣痞也鬱鬱微煩者裏熱也因自吐下而得胃中不和宜調胃承氣湯

太陽病解脈陰陽俱停陰脈微者下之解宜調胃承氣湯

太陽經病頭痛身熱脈浮醫以吐下過極又發其汗微煩小便數者邪氣傳胃也大使因硬胃實也脈沉而疾沉爲在裏故調胃

### 承氣湯利之愈

陽明本病胃中實痛小便赤澁不更吐下心中煩熱者可與調胃承氣湯

陽明病身熱多熱內亡津液胃中燥大便不通讞語脈沉疾其病心下痞而實痛故宜小承氣湯

陽明經病鼻乾身熱脈長而大因自汗出其脈反沉滑而疾胃中實痛心下痞讞語者宜小承氣湯

陽明經病身熱目疼鼻乾不得卧汗多微熱  
惡寒脉長而大者表未解也常用葛根湯  
解表其熱不潮者裏未實也未可與承氣  
湯若腹大滿不通痞實脉沉疾者可與小  
承氣湯微和胃氣少與使不大泄如見痞  
滿燥實者宜大承氣湯

陽明病身熱鼻乾脉長而大其人汗多者津  
液外出胃中乾燥傳於本病大便硬而讞  
語者裏實也心下痞者氣不散也脉沉而

疾者熱在裏也宜小承氣湯

陽明經病身熱蒸蒸汗出經傳於本也胃中  
燥實讞語潮熱脉滑而疾心下痞者密者  
承氣湯因與承氣湯一升腹中轉氣者實  
欲散也更與一升却不轉者再勿與之氣  
散故也明日又不大便脉又濇者陰脉也  
爲難治

太陽經陽明以大柴胡下之煩燥心下硬不  
除五六日與承氣湯一升欲泄其實又不



大便小便少者得太陽本也雖不能食後  
自利也但初頭硬者下躁也後攻之必溏  
者實散也如小便利大便秘便乃可攻之  
陽明經病身熱鼻乾脉當尺寸俱長今反脉  
遲者汗自出不惡寒無太陽也身重短氣  
者傳本也腹滿潮熱大便難者胃胃也大  
承氣湯主之 若腹滿不通者痞實也小  
承氣湯主之

陽明經傷寒鼻乾身熱脉長若吐下不解內

亡津液至十餘日如見鬼狀大實也微喘  
直視痞滿也脉反沉疾者在裏也宜大承  
氣湯

陽明本病讞語潮熱者胃中實熱也不能食  
者裏燥也宜大承氣湯 二陽併病太陽  
證罷無表陽明潮熱汗出大便難讞語者  
宜大承氣湯

陽明經病得之煩熱不得卧自汗出者欲解  
也復發如瘧狀日晡潮熱脉實者陽明本

胃實也宜大承氣湯

陽明經病身熱鼻乾而煩發熱自汗出多者傳本也必胃中燥急下之宜大承氣湯汗出不解腹滿發熱者故知發汗不解也腹滿痛者裏實也急下之宜大承氣湯下後腹滿減者不足再下也腹滿不減宜大承氣湯

陽明少陽合病必下利脉滑而數者有宿食也當下之宜大承氣湯

陽明經病身熱而煩脉遲不相應也故雖汗出不惡寒非表證也身重短氣腹滿者傳裏也喘而潮熱者外解可攻裏也手足濇澼然汗出者裏實也大便秘者有燥也宜大承氣湯

陽明經病身熱而煩自下血譫語者邪熱入於血室當以小柴胡湯和之但頭汗出者陽明實也刺期門瀉客熱澼然汗出者表欲解也表邪已解脉反沉數者病在裏也

故讖語有燥屎在胃中此風燥也下之者  
勿令太早須過經早下則變生他病語言  
必亂神不守也表虛裏實下之則愈宜大  
承氣湯

少陰經病口燥舌乾而渴者胃中實熱而有  
痛脉沉而疾者宜大承氣湯

少陰經病口乾燥而渴自利清水心下痛胃  
實也脉沉而疾宜大承氣湯

少陰經病貫腎絡於肺繫舌本故口乾燥而

渴飲水大便難者胃實也脉沉而疾者宜  
大承氣湯

陷胃湯十二證方三道

三陽下後  
傳本實

三陽之標與經併而為表虛本實傳變分部  
以為別頭痛而背强身之後鼻乾胃滿身  
之前脇痛而耳聾身之側此經之病也各  
有頭痛者經之始也手足沉困者經之終  
也發熱惡寒者經之表也此邪中三陽之  
為病也三陽之表脉俱浮大當以汗解淺

深其次其裏未實醫反攻之此爲逆也故  
脉浮下之此爲大逆邪氣在標反攻其本  
本虛則邪氣從虛入而動於膈而作結胸  
心下硬滿痛或如柔瘕狀或心中懊懜或  
舌燥而渴或頭痛汗出劑頸而還或水結  
於心下此皆結胃之病也 太陽標與本  
經所傳者大陷胃湯標與陽明經所傳者  
大陷胃丸標與少陽經所傳小陷胃湯故  
三陽下之爲結胃也 大黃苦寒泄實而

去熱芒硝鹹寒軟堅而潤燥甘遂苦寒破  
結熱而去水此逆之甚也其變證多 大  
黃芒硝加葶藶苦寒破結熱而走水泄氣  
杏仁味辛溫而治上此逆之微也其變少  
黃連苦而堅括萸實苦寒而散結半夏辛  
溫而治上逆之少也凡此三藥加減不同  
故傳有異也

大陷胃湯

大黃 二兩 芒硝 一兩八錢半 甘遂 一字

右以水二盞先煮大黃至八分去滓下硝一二沸下甘遂末溫服

大陷胃丸

大黃二兩芒硝九分葶藶一分杏仁一合皮尖方二兩

右搗羅二味內芒硝杏仁合研如肪如彈丸大一枚抄甘遂末一字白蜜少許水二盞半煮取一盞服一宿乃下如不下再服南北經驗方同

小陷胃湯

半夏六錢黃連一分括萋實一分右剉如麻豆大以水二盞先煮括萋至一盞半下諸藥取八分去滓溫服未知再服微解黃涎便安也

太陽經病項背強如柔痙狀自汗直視脉寸沉關浮尺弱寸沉無表關浮結胃尺弱陰虛下之宜大陷胃丸

太陽經病頭痛項強反下之心中懊懣邪動

類聚六十一

六十一

於膈故陽氣內陷心下結硬手不可近者宜大陷胃湯

傷寒六七日結胃熱實脈沉緊心下痛大陷胃湯

太陽經病頭痛項強而發其汗裏未實反下之後五六日不大便熱結於胃中舌燥而渴潮熱而煩從心下至小腹滿痛不可近者裏實痛也大陷胃湯

太陽經病頭痛項強脇痛與少陽經併反下

之而爲小結胃病在心下結熱而痛按之痛脈浮滑者皆陽也不可下宜小陷胃湯  
太陽經病頭痛身熱脈浮而數浮則爲風風則傷衛數則爲熱熱則傷氣動則爲痛動於陽則背痛動於陰則腹痛數則爲虛而爲陰虛故頭痛微盜汗出者風傷衛也故表未解醫反下之動數變遲邪熱乘入結於胃故膈內拒痛也胃中空虛下之早故也短氣煩燥熱結於內也心中懊懣者煩

類聚六十一

六十一

而不安也陽氣內陷心中結痛而硬手不可近宜大陷胃湯

太陽經病下之太早而爲結胃頭汗出余處無汗者陽往上升也劑頸而還者熱結於上也小便不利者太陽本病也故身必發黃宜大陷胃湯

太陽病傷寒頭痛身熱解不徹醫爲六日而下之得爲結胃邪熱拒膈而痛脈沉而緊當心下痛按之石硬者結之甚也宜大陷

胃湯

但微汗出者無大熱者此爲水結在胃脇間悶痛宜大陷胃湯

太陽經病表未解反下之飲冷水結於胃中非陽也爲寒實結胃故無熱證宜三物小陷胃湯

瀉心湯九證方五道

又十棗湯一方

凡三陰三陽之標本治各不同而發於陽者下之爲結胃謂大浮數動滑發於陰者下

之為痞氣謂沉瀆弱弦微脉同三陰下之為痞病皆不同有用寒藥而為熱痞黃連大黃之類也有用寒熱藥者陰與陽不和而痞大黃黃連加附子之類有用辛熱藥多而寒藥少者陰盛陽虛而痞半夏瀉心湯甘草瀉心湯生姜瀉心湯之類瀉心湯者非瀉心火之熱瀉心下之痞也通而論之其藥陽多陰少蓋病發於陰而得之有大黃黃連瀉心湯獨為陰心下痞而脉疾

一證桂枝後用從太陽浮弱所變余者皆陰陽雜用

大黃黃連瀉心湯

大黃 黃連 各二兩 甘草 一兩

右剉如麻豆大沸湯二盞熟漬之一時久絞出滓煖動分二服 南北經驗方 補珍方同

附子瀉心湯

大黃 黃連 黃芩 各一兩 附子 一枚炮去皮臍煮汁用



右判如麻豆大沸湯二大盞熱漬之一時  
久絞去滓內附子汁分溫再服南北經驗方  
同

半夏瀉心湯

半夏二兩 黃連半兩 黃芩 人參 甘草各  
兩 大棗六枚 乾姜半兩

右判如麻豆大每服五錢水二盞煮至八  
分去滓溫服

甘草瀉心湯

甘草二兩 黃芩 乾姜各一兩 半夏一分  
大棗六枚 黃連 人參各半兩

右判如麻豆大每服五錢水煎南北經驗方  
同

生姜瀉心湯

生姜一兩 黃芩半兩 人參一兩 乾姜半兩  
兩 半夏一兩 黃連半兩 大棗六枚

右判如麻豆大每服五錢水煎南北經驗方

太陽經病頭痛惡寒六七日嘔而發熱皆經

病也宜柴胡湯服藥蒸蒸而發熱汗出不  
解者表解心下有痛者爲結胃熱結於內  
也如滿而不痛爲痞氣發於陰而得宜半  
夏瀉心湯柴胡後變心下痞按之軟者脈  
疾者宜大黃黃連瀉心湯心下痞而惡寒  
汗出脈沉者附子瀉心湯發於陰陽而得  
心下痞瀉心湯不解者氣不降也與五苓  
散非太陰不用瀉心湯太陰主痞滿也  
傷寒汗後胃中不和心下痞不發熱而身涼

宜生姜瀉心湯

太陽中風反下之心下痞醫反覆下之痞益  
甚脈浮而微痞者氣疾也宜甘草瀉心湯  
太陽經病頭痛惡寒此太陽傷寒反下之後  
復發其汗不解心下痞而惡寒脈浮者不  
可攻痞表未解也當先解表宜桂枝湯惡  
寒脈浮已解表和也可攻痞宜大黃黃連  
瀉心湯  
太陽經病頭痛發熱太陽也嘔者少陽也脈

浮而弦柴胡證具也以他藥下之柴胡證  
仍在未解也復與柴胡湯雖下後不爲逆  
太陽經病表解其人漿漿汗出發作有時頭  
痛心下痞硬滿引脇下痛乾嘔短氣汗出不  
惡寒者宜十棗湯

芫花

炒赤熬

甘遂

大戟

各等分

右各另爲末合和入白中再杵二三萬下  
先以水一升半煮肥棗十枚擘破煮取八  
合去滓內藥末強一錢匕羸弱人半錢單

飲棗湯送下平旦服若下少病不除者更  
服加半錢利後米粥日養合下不下令人  
腹滿脹通浮腫而死

太陽病汗出表解心下痞硬乾噫食臭者胃  
氣不利也脇下有水腹中雷鳴寒氣之變  
也下利者裏寒也宜生薑瀉心湯

太陽中風在表反下其人下利日數十行者  
脾胃虛也穀不化腹中雷鳴者裏寒也心  
下痞而乾嘔煩者胃中虛客氣上逆故痞

硬也宜甘草瀉心湯

抵當六證方三道

夫傷寒變證不同而各有法在標者治之標無汗之過在本者治之本無下之過故治有標本用有逆從今之醫者邪在於標而治其本傳之爲結胃痞氣或爲畜血邪在本而治其標則鼻衄而發黃或爲溫毒或爲癰疹故諸變不可勝數也太陽之本膀胱是也有出無入上傳道行氣之府氣化

則能出入邪在太陽或小便自利反利其小便熱隨氣行畜血於內故有桃仁承氣湯抵當丸抵當湯三藥之變太陽標與陽明變桃仁承氣湯太陽標與少陽陽明變抵當丸太陽標本變抵當湯陽明標與太陽本變亦有抵當湯此血證傳變之法也水蛭味鹹苦寒鹹能勝血苦則入心盲虫味苦微寒而能破畜血桃仁味苦甘能破血大黃味苦寒能泄實而去熱故有少陽

之輕治抵當丸水蛭盲虫各倍大黃三倍  
桃仁亦多於方故有太陽之重治抵當湯  
桂枝甘草為表藥大黃芒硝為裏藥桃仁  
散血故從太陽陽明之實治也抵當丸

抵當丸

水蛭 盲虫 各五 桃仁 六 大黃 五

右為細末只一丸以水一大盞煮一丸至  
七分頓服晡時當下血愈不下更服

桃仁承氣湯

桃仁 十二 大黃 兩 桂枝 甘草 芒硝 各

右判如麻豆大以水二盞至八分去滓下  
硝煎化溫服未利移時再服

抵當湯

水蛭 盲虫 各十 大黃 兩 桃仁 十二

右判如麻豆大作一服以水二盞煎至八  
分去滓溫服

太陽經病頭痛身熱不解小便利而赤者熱

在膀胱也大便狀如豚肝者有血也其人如狂者熱結膀胱也宜桃仁承氣湯

太陽經病頭痛身熱表未解也反小便赤而利脉沉數者邪氣下入膀胱畜血於內其人發狂者熱在下焦少腹滿痛下血則愈宜抵當湯

太陽經病頭痛身熱法當汗解反利小便熱瘀於內則身黃脉沉沉爲裏少腹硬小便自利其人如狂者下焦有血血證諦也宜

抵當湯

傷寒有熱表也少腹滿當小便不利結熱於內也今反利者有血也宜抵當丸  
陽明經病身熱而煩喜忘者血氣失度神無所養故喜忘也大便黑色者畜血於內也抵當湯下之

陽明病表已解發熱而脉數者可下之假令已下不大便者有瘀血抵當湯凡辨血證其法有三小便自利一大便褐色二也

狂言見鬼小便淋者三也

梔子湯五證方二道

傷寒發表攻裏之後傳變不同下之早而有結胃痞氣結胃者邪氣結而實痞氣者邪氣痞而虛虛實之間邪在中心與正氣相搏懊懣而煩不得眠者宜梔子湯大抵不得眠者從陽明所得太陽中所有梔子湯者自太陽而傳陽明也謂之曰太陽梔子湯陽明有梔子湯者本經自傳而得之者也梔子湯

肥梔子

四枚 香豉半兩

右以小二盞先煮梔子至一盞內豉同煮至七分去滓溫服

太陽經病頭痛身熱惡風發汗解表頭痛止而身熱不去大下之裏有熱虛邪傳於心中懊懣不得眠心中結痛者梔子豉湯

太陽傷寒未當下反以丸藥下之身熱不除邪氣內傳心中煩而不得眠者梔子乾姜湯

梔子

四枚 乾姜半兩

右剉如麻豆大水一大盞煮至七分去滓  
温服

陽明經病鼻乾不得眠臥脉浮而緊在表也  
咽乾口苦者少陽也腹滿而喘傳裏也汗  
出惡熱表未解也若下之則胃中空虛邪  
氣乘虛而入客氣動膈心中懊憹不得眠  
宜梔鼓湯

發黃四證方三道

傷寒傳變發黃者四有畜血發黃白太陽傳

本也有結胃發黃下之早故也有濕熱發  
黃太陽經傳陽明本也有寒濕發黃少陽  
與太陰也大抵發黃多從陽明太陰脾胃  
屬土故色黃土勝則剋水使小便不利濕  
熱內變故令發黃陽明者茵陳蒿湯兼太  
陽者麻黃連翹赤小豆湯兼少陽梔子蘘  
皮湯

茵陳蒿湯

茵陳蒿 一兩  
大黃 五錢  
梔子 十枚



右剉如麻豆大每服一兩水三盞先煮茵  
陳減一半內二味煮八分去滓溫服日三  
小便當如皂角汁則黃出矣

陽明經病身熱鼻乾頭汗出陽往上奔小便  
赤而不利濕熱發黃宜茵陳蒿湯

陽明病身熱不去七八日身黃如橘色小便  
赤澁而不利宜茵陳蒿湯

太陽陽明身熱不去痰熱在裏身必發黃小  
便微利宜麻黃連翹赤小豆湯

少陽陽明身熱不去小便自利而煩者身心

發黃宜梔子蘘皮湯

麻黃連翹赤小豆湯

麻黃 連翹 各一兩 赤小豆

右剉如麻豆大每服一兩水三盞煎至八  
分去滓溫服

梔子蘘皮湯治燥熱發黃

大黃 蘘皮 各二兩 梔子 十五

右剉如麻豆大每服一兩水三盞煎服發

黃大便自利不止者加黃連黃蘗各三兩  
生減大黃用之多効

### 五苓散十五證方七道

太陽證發於標者汗而解之發於裏者攻而  
利之病在太陽渴而飲水者熱結膀胱也  
膀胱者傳導汗氣之府故有熱則多渴而  
煩小便不利宜五苓散是太陽入本藥也

### 五苓散

太陽

豬苓

七錢半

澤瀉

一兩

白朮

三錢

茯苓

五錢

官桂

半兩

右為細末每服抄三錢白湯調下

### 白虎湯

陽明

石膏

四兩

知母

一兩

甘草

二兩

粳米

一合

右剉如麻豆大每服五錢小二盞至八分

米熟為度

### 豬苓湯

少陰

豬苓

茯苓

阿膠

澤瀉

滑石

各半兩

右剉如麻豆大水二盞煮至八分去滓內  
膠消盡服

太陽證寸緩者浮緩也當汗惡寒關浮者當  
 心下有痞也尺弱者醫下之過而虛其陰  
 故有此脉如不下病不惡寒汗出而渴者  
 轉屬陽明也陽明主胃胃中熱則小便數  
 大便硬也不更衣十日無所苦者不知人  
 也渴欲飲水少少與之法當救渴宜五苓  
 散

太陽經病發汗後大汗出表解也津液內少  
 胃中乾燥而不得眠故欲飲水小便不通

水無所歸也宜五苓散

發汗已脉浮數煩渴者宜五苓散

太陽中風發熱當以汗解六七日不解熱傳  
 於裏故有表裏證也熱欲飲水傳裏也水  
 入則吐水不能散也故名水逆宜五苓散  
 太陽病發汗後表解其人臍下悸者邪氣內  
 結欲作奔豚當散之宜茯苓桂枝甘草大棗  
 湯

茯苓

三兩

桂枝

兩

甘草

半兩

大棗

四枚

右剉如麻豆大以甘瀾水二盞半先煮茯苓減五下諸藥煮取七合溫服

太陽經傷寒若吐邪在上焦若下邪在裏也吐下後不愈非其治也心下逆滿者下之過也氣上衝胃起則頭眩者吐之過也脉沉緊者發汗動經浮緊當汗沉緊不當汗故汗則動經身為振搖宜茯苓桂枝白朮甘草湯

茯苓一兩桂枝半兩白朮一兩甘草各一兩  
右剉如麻豆大每服五錢水二盞至八分

服

太陽經病傳裏未實醫反吐下之不解熱結於內而惡風脉浮者邪在上也白虎加人參湯陽明

石膏四兩知母半兩炙甘草一兩粳米一合人參五錢

右剉如麻豆大每服五錢水煎取米熟為度

傷寒表解無大熱口燥渴背微寒脉浮者邪

在上也白虎加人參湯

太陽病頭痛背強發熱無汗脈浮當解表未解者無白虎證如表解後渴者白虎加人參湯

太陽經病反下之脈浮者不結胃浮在關者結胃也浮者陽也故使然也脈緊者必咽痛脈浮而緊者上焦實也故必咽痛脈弦者必兩脇拘急弦者少陽行身之側故兩脇拘急脈浮細而數者邪在表故頭痛

未止脈沉緊者必欲嘔胃虛寒脈沉滑者脇熱也沉爲在裏滑者爲陽陽隨陰轉故多脇熱在裏而爲利脈浮而滑者浮爲陽滑爲陽二陽脈併則爲下血爲熱病也病在陽當以汗解各隨脈證治皆不同在表當汗反以水溼之若灌之使表熱不能出邪熱彌更而反煩燥肉上粟起意欲飲水煩燥反不渴裏未熱也宜文蛤散若不差者宜與五苓散

陽明經病發熱脉浮而渴欲飲水者陽明中熱也小便也宜豬苓湯

太陽陽明與

合病故腹滿身重

難以轉側者傳裏也口上不仁者罵詈不避親疎也讖語遺尿者膀胱不禁也不可發汗發汗則讖語不可下下則額上汗出也手足逆冷自汗出者熱厥在裏也宜白虎湯

厥陰傷寒脉滑而厥者渴者裏有熱也宜白

虎湯

醫方類聚卷之六十一